

sprach: Facta est Alea / Es mag darumb
gehen / wie es fan. Mein bitte aber ist /
an den gütigen Leser / der wölte mir mei-
ne weise / vnd dis schreiben von Bieren /
zu gute halten. Trahit sua quemq; volus-
ptas / spricht der Poet / Ein jeder hat seine
weise vnd lust / Der eine zu diesem / der an-
der zu jennem. Vnd man kan nicht stets
von grossen künsten vnd sachen tractirn /
vnd handeln / Man mus auch zu zeitten /
von geringen vnd lustigen dingen schrei-
ben / Doch gleichwol / das es auch was zu
nütz sey / Als dis Werck / von Bieren ist /
dadurch man den herlichen Wunderwer-
cken Gottes / lernet nachdencken / vnd dies
selbigen erwegen. Wölten darumb / in
Gottes Namen anfangen / vnd so viel
Gott Gnade verleyhen wird / in diesem
fall berichten.

Cereuisia, zu Latein /
Bier / auff Deutsch / ist fast das fürnempst
Getrenck / das man im Land zu Sachsen /
Thüringen / Meichsen / vñ anderwo mehr /
gewöhnlich vñ gemeiniglich gebrauchet /
Vnd weil es ein groß / gewaltig Gottes
Wunderwerck ist / den Menschen der dr-
ter / da mans brawet / aus lautter güte /
gnade vnd barmhertzigkeit Gottes geof-
fenbaret / vnd mitgetheilet / So wölten
wir